



# Lesotho Highlands Development Authority

P.O. Box 7332, Maseru 100, Lesotho • Telephone: (+266) 22 246 000 • Fax: (+266) 22 310 665 • Email: lhwp@lhda.org.ls

PHATLALATSO EA LITABA

**LHDA/PR/14/02/25-1**

**Maseru- La 25 Hlakola, 2014**

Ho fihlile tlhokomelong ea Ofisi ea Morero oa Metsi a Lihlaba tsa Lesotho (LHDA) hore ho na le sephephechana se ntseng se potoloha 'me se etsa phatlalatso ea likheo tsa mesebetsi e ikhakantseng e ka e entsoe ke LHDA empa ho se joalo.

Phatlalatso ena e memela sechaba ho isa liforomo tsa bona tsa kopo ea mosebetsi liofising tsa 'muso tse Qhobosheaneng, mokatong oa bobeli 'me letsatsi la ho qetela la ho finyeletsa likopo tsa bona ke la mashome a mabeli a metso e robeli, Hlakola 2014.

LHDA ha e ikamahanye le liketso tsena tse se nang 'nete tse reretsoeng ho thunthetsa seriti sa eona ka mafosisa a litaba tsa khiri ea mosebetsi .

Sechaba se tsebisoa hore LHDA e na le methati e hlakileng eo e e latelang ha e bapatsa likheo tsa mesebetsi e kenyeletsang liphatlalatso tse eang likoranteng. moetsi/baetsi ba ketso ena e soto ba tla ka e 'ngoe khoba ea hore batho ba tlise liforomo tsa likopo tsa mesebetsi , liofising tsa 'muso tse Qhobosheaneng tse sa hlalosoang le hore na ke li feng, tseo ho thoeng li mokatong oa bobeli.

Taba ea hore e be batho ba memeloa ho isa liforomo tsa bona tsa likopo tsa mesebetsi liofising tsa 'muso tse Qhobosheaneng, e kathoko ho tsela eo LHDA e sebetsang litaba tsa khiri ka eona.

Bomalimabe bo bohola ke hore Basotho ba tlameha ho lefa lits'enyehelo tse boima tsa maeto ho tloha libakeng tse hole joaloka Mokhotlong, ba tlisa liforomo tsa likopo tsa mesebetsi Maseru.

LHDA e eellisoa sechaba hore liphatlalatso tsena tsa likheo tsa mesebetsi tse entsoeng ha se tsa 'nete empa e le tse reretsoeng ho ferekanya sechaba, ka hona sechaba se khobe mats'oafo.

*Litlhakisetso mabapi le taba eba li ka fumanoa ho Mofumahali 'Mabasia Ntoi, Ofisiri ea Liphatlalatso ,Ofising ea Liphatlalatso ea Morero oa Metsi a Lihlaba tsa Lesotho, LHDA Tower. Tel. +266 22311280/+266 22246000 /+266 5225 2239. E-mail: ntoin@lhda.org.ls*